

厚德堂集驗方萃編



驗方萃編



上海
珍藝
書局
校印



上海中医药大学图书馆

驗方萃編自敘

古人云不為良相即為良醫蓋醫與相功雖異而濟世之心則同故上醫醫國其次醫人顧其心之誠不誠何如耳昔秦越人專心方術得上池水飲之遂能視人之五藏六府其於病也不察於皮毛媵理之間而察於神情形色之際蓋其心誠故其術邃也予幼讀書習舉子業凡農圃醫卜之書無不畢覽而謂其近於理可與儒術相參者莫如醫故供職部曹數十餘載公餘之暇專心於方術一途縱觀諸家方脈等編每玩一編皆悉心體驗務得其如何診視如何用方而後止故其視病雖未如盧醫之先識而於望聞問切間毫無敢疎每用一方輒屢試而屢驗厥後歷數十年將應

驗之方一一手錄都為一書分其門而別其類名曰驗方萃編夫
良相之濟世能醫國者也良醫之濟世能醫人者也予生不敏竊
謂立人達人之功未可倖致不得不採輯諸方以濟一世並勒為
成書以傳後世是予之用心未敢與醫國者爭頑頑而其濟世之
心則未嘗不與良相之心同一懇懇也後之君子倘不以予為謏
陋取是編而斟酌之或亦有裨萬一云爾

同治四年清和上澣長白馬佳奇克唐阿慎修手輯并敘

驗方萃編謹敘

醫學自岐軒而後靈樞玉版代有名篇即分經辨證按證製方足以濟人緩急者如思邈千金葛洪萬卷亦復指數難終汗牛充棟致莫尚焉然纍纍數千萬言祇為醫士作南車之引藥餌既多珍貴購求維艱篇帙亦嫌浩繁披閱不易遂使仁人博濟之心反以是而隘其量良可慨已 先君慎修公早捷黌宮繼教國子歷官春農部曹賢聲焜耀屢達

上聞特賞三品銜以知府歸部選用生平樂善不倦凡有裨於世道者每不惜財力以助其成公餘之暇尤精探脈理廣集良方或見於古今載籍或得於戚友傳聞皆詳加選擇手錄存

之又復按法製方施藥材以拯疾苦活人甚夥久之採擷既
富薈萃成書顏曰驗方萃編蓋數十年編訂萃輯雖未能
一遍試而偶一施治即神效無俦且其間選方用藥尤有尋
常易購價廉工省者雖至窮鄉僻壤之區馬足船唇之地靡
不可倉猝立致以收其功即急等燃眉亦不至嗟興束手果
能方與症對自可藥到病除不醫而愈未始非衛生之捷徑
也光緒乙亥春椿奉

命督糧江安退食之餘撫摩手澤見其平易近人頗切時用乃勉
承先志細檢全編別類分門依次檢校告成後將欲付梓以
公同好而適捧

綸音秉臬三晉權綰藩條繼奉

特旨暫護撫篆簿書鞅掌兼顧未遑越三年始獲重加讐校付之
手民非敢謂濟世活人溥功德於無量但期恢之彌廣庶
先君汲汲救世之苦衷不致泯沒弗彰焉則幸甚

光緒七年孟春朔男馬佳松椿濟莊謹序於晉臬署



自來有仁人之心者必多方行仁人之術而時思創興善舉以濟世每首貴施醫贈藥也然施贈之所及尤恐不周故不如刊方書溥徧而歷久遠也是書曰驗方必多先經試驗而後錄也曰萃編必廣搜博採其最者而後成也古人有曰不為良相當為良醫誠以良相醫國良醫醫人其為濟世之仁心一也欽久留心西學觀西人之醫藥醫書最夥而於經驗之方書流傳獨鮮蓋方書必有實心實德積累世之功能集腋而成其書濟世愛人之心非淺鮮也夫明之後必有達人今春欽蒙 漕帥松公之聘入署親授其四公子西文盤桓往返申浦者累日公子年方弱冠恂恂儒雅淹貫經史尤篤嗜於經世有益之西學凡於西人所譯之書無不搜

羅殆盡而於聲色宴遊之地足不一至也未始非世有明德以敬之也是書為松公

先老大人之所輯松公繼又為之叅攷增益至精且詳乃委歛校印因不以俚俗謹跋數言於卷末以誌松公慈懷在抱濟世

為心之盛德也云爾

歲在丙申季夏月明州諸生志亮王素欽謹識於黃歇浦



厚德堂集驗方萃編

長白馬佳奇克唐阿慎修手輯

顛故凡氣之所運血之所行一有邪逆即男馬佳松椿濟莊校

卷一

不得上升或壅塞其經絡使血不得舒暢種種

不一頭面諸症云頭痛一症暫痛者必因邪氣久痛者必因元氣

然對眼目諸症有分別暫痛者有外感頭痛亦有火邪頭痛久痛

者有鼻疾諸症亦有陽虛頭痛且有暫痛而虛久痛而實者陰陽

虛實口舌諸症不詳辨然察以究其所由庶幾因症辨症因症施

藥而牙齒諸症效矣其愈寒脈浮清涕咳嗽者皆寒者此寒邪

之在耳疾諸症疎散其熱服以振振痛而兼眩者此火邪之在



咽喉諸症

鬚髮諸症

腰脇諸症

噎膈諸症

眼目諸症

面齒諸症

卷一

吳恩翁林蘇齋並參外

身白黑卦香克惠阿真翁手贈

鳳齋堂集錄本草錄



頭疾總論

頭乃諸陽之總會六府清明之氣五藏精華之血皆能朝會於高
巔故凡氣之所運血之所行一有邪逆即能上頭而作痛或蒙蔽
其清明使氣不得上升或壅塞其經絡使血不得舒暢種種症候
不一而止景岳云頭痛一症暫痛者必因邪氣久痛者必因元氣
然暫痛久痛亦有分別暫痛者有外感頭痛亦有火邪頭痛久痛
者有陰虛頭痛亦有陽虛頭痛且有暫痛而虛久痛而實者陰陽
虛實之間不可不詳辨熟察以究其所由庶幾因脈辨症因症施
藥而能應手取效矣其惡寒脈浮清涕咳嗽脊背疼痛者此寒邪
之在表也治宜疎散其內熱脈洪振振痛而兼脹者此火邪之在

裏也治宜清降其水虧火動發熱脈弦痛而煩躁者此陰虧血虛
之故治宜補陰其過陰則痛過寒亦痛脈微而倦怠者此陽衰氣
虛之故治宜扶陽其因外感風寒客入腦髓或偏或正或左或右
或耳鳴而煩悶或目暈而轉旋又當分十二經之脈絡以察三陽
陰蓋三陽之脈俱上頭厥陰之脈亦會巔太陽在後陽明在前少
陽在側此固各有所主外感所當詳辨也若內傷頭痛又不可以
三陽拘耳症各有別治各有方聊錄經驗者數方以備採擇
十二經頭痛方 川芎 羌活 白芷 柴胡 蒼朮 石膏
蔓荊子 防風 半夏 細辛 藁本 南星 天麻 右
藥各等分引用甘草少許薑三片葱白一節煎服

太陽經頭痛方 川芎 羌活 藁本 麻黃 各等分煎服

少陽經頭痛方 柴胡 半夏各一錢五分 黃芩 東參 炙甘草各

錢 引用生薑三片紅棗二枚煎服

陽明經頭痛方 升麻 葛根各一錢五分 白芍 甘草各一錢 石膏

白芷各一錢 引用葱頭三箇煎服

太陰經頭痛方 蒼朮 半夏 南星 川芎 蔓荊子 右藥

各等分煎服

少陰經頭痛方 麻黃去節 細辛 附子煨 各二錢水煎服

厥陰經頭痛方 麻黃去節 羌活去蘆各五錢 吳茱萸四分 藁本 升

麻 黃耆 蔓荊子 細辛 柴胡 紅花 製半夏 黃



連各三分炒黃芩 當歸酒洗黃柏 川芎 蒼朮各一錢米泔浸一晝夜

炒 晒乾 水二碗煎八分服

治諸頭痛方 生蘿蔔汁一蛻殼仰卧注鼻中左痛注左右痛注

右立愈

治風濕頭疼雷火神鍼方 川烏 草烏 鬮羊花 艾絨 牙

皂各五分錢雄黃 硫黃 桃樹皮各三分麝香五分右藥共為

細末調勻以火紙二張將藥末並艾絨鋪紙上如火煤紙捲

緊再加火紙一張捲上用紅棉紙包固兩頭以細麻線紮緊

用時從中切斷先用半截於油燈火上燒旺再用桃紅細布

七層包固兩頭紮抵患處如疼另移別處冷時再依前法燒

熱三四次自愈 此方專治寒濕風痰不論遠年近日其效

如神

偏頭疼方

地龍

去土焙乾加乳香末少許用紙
拈藥點燈以煙薰鼻孔即愈

治頭疼眩暈方

鬱金

白芷

石膏

細辛

雄黃 各一錢

薄荷

二錢

芒硝

麝香 各三分

共為細末每用一分吹鼻

中即愈

治六經頭疼方

梔子

炒

條芩

炒

連翹

白芍

白芷

知母

黃柏

酒炒

薄荷

柴胡

桔梗

生地

酒洗

香附米

石膏

二匙 甘草

細茶

一撮

右藥各等分水煎食後溫服立愈

治偏頭風疼方

雄黃

細辛

各等分研為細末每用一釐吹



鼻中左疼吹右鼻右疼吹左鼻其效甚捷

又方 生川芎 二兩 香附 四兩 去毛 共研細末每用一錢清茶沖服

久服可以除根

治頭風兼眼痛方 雨前茶 川芎 白芷 防風 藁本 細

辛 全歸 右藥稱各等分水煎溫服即愈

治點頭風方 當歸 五錢 川芎 三錢 木通 五錢 白芷 二錢 右藥

用酒一大碗水一大碗煎至一碗作三次服立愈

偏正頭痛方 穀精草一兩研末用白麪和調攤紙上貼痛處甚

效

又方 穀精草末銅綠各一錢硝石五釐隨左右嚙鼻內立愈



氣虛頭痛方 人參 雲苓 炙甘草 各一錢 白朮 二錢 土炒 一錢 引用

生薑三片 棗二枚 水煎服

血虛頭痛方 當歸 川芎 各三錢 水煎食遠溫服

氣血兩虛頭痛方 黃耆 一錢五分 蜜炙 人參 一錢 陳皮 蒼朮 川芎

蔓荊子 細辛 各五分 黃柏 木香 柴胡 升麻 炙甘

草 各三錢 薑棗為引 水煎溫服

風熱頭痛方 川芎 白芷 煨石膏 荆芥穗 右藥稱各等

分為末 每服一錢 米湯送下

寒濕頭痛方 紫蘇 川芎 花椒 雨前茶 葱頭 水煎薑

頭一刻 再以衣被覆身 汗出即愈

半邊頭痛方 煨石膏 牛旁子 各三錢 共為末調酒內隨量

飲之以有汗為度其效甚速

又方 香白芷 天南星 各一錢 川烏 半夏 各一分 共研末

水調每服一錢婦人加甘草一錢

頭痛身癢方 雄黃 三錢 輕粉 一錢 白礬 黃柏 川椒 各二錢

醋二碗煎半碗去渣以藥擦癢處即愈

治頭風方 白芷 川芎 各三錢 共研末用黃牛腦子一酒盃

同藥入磁罐內加酒煮熟盡量飲之睡後酒醒其患若失

又方 葛根 一錢 柴胡 黃芩 黃耆 羌活 川芎 蔓荊子

白芍 甘菊花 各一錢 黃連 炙甘草 各八分 藁本 一錢 蒼

朮一錢二分升麻三分葱頭二箇水煎服立愈

又方 皂莢子七粒薏苡仁三錢奇良四兩先以水六碗煎三

碗次以水四碗煎二碗服之立愈生黃瘡者服此尤效

又方 純烏雄豬肥肚子一箇內裝去心蓮子半觔煮爛再加蒼

朮厚樸甘草各一兩共研末為丸白水送下

治偏正頭風方 茯神二兩搗末每用二錢以酒送下不論男婦

數服

又方 鵝不食草研末吹入鼻中連打數嚏即愈

風熱頭痛方 荆芥 白芷 麻黃各一錢陳皮八分蒼朮二錢米泔

浸甘草八分水煎服

血虛頭痛方 川芎 當歸各三錢 荆芥 防風 白芷 酒苓

薄荷 蔓荊子各一錢 水煎服

濕痰頭風方 酒苓三錢 蒼朮四錢 川芎 細辛各二錢 甘草

共為末用薑茶搗勻調服

風火頭痛方 酒苓 陳皮 半夏 茯苓 甘草 薄荷 細

辛 川芎 各等分水煎服

年久頭風方 天麻 煨白芷 半夏 湯泡川烏 去皮南星 各一錢

甘草三錢 薑五片水煎服或為末薑湯調服六錢亦極效

風熱眩暈方 薄荷 川芎各一錢 荆芥穗六分 羌活 炙甘草

白芷各五分 細辛 防風各三分 水煎溫服



風寒眩暈方 附子生 白朮 川芎 各一錢 肉桂 炙甘草 薑

三片水煎服

暑火眩暈方 陳皮 半夏 茯苓 甘草 人參 白朮

梔 黃連 川芎 各等分水煎服

氣虛眩暈方 木香 砂仁 各七分 白朮 炒橘皮 半夏麩 茯苓

苓 各一錢 丁香 十四粒 炙甘草 八分 薑 三片 水煎飯後服

如血虛加芎歸肉桂

痰火眩暈方 大黃用酒浸後九蒸九曬研末為丸如菜豆大每

服百丸食後臨卧清茶送下其效如神

美顏去斑散 白芷 六錢 輕粉 三錢 樟腦 三錢 麝香 五分 明礬 三錢

杏仁 六十粒 冰片 一錢 鹽 一兩五錢 共為細末用豬胰子

一箇和藥搗如泥淨面時擦之久斑退而顏美矣

玉容丸 甘松 山柰 細辛 白芷 白欽 防風 荊芥

薑蠶 山梔 藁本 天麻 羌活 獨活 陀僧 枯

礬 檀香 川椒 菊花 各二錢 紅棗 七枚 去皮 以上各藥

共為細末用去淨弦膜肥皂一觔同槌作丸如秋冬間加
生蜜五錢如皮膚粗糙者加生牛骨髓三錢早晚洗之皮
膚自然瑩潔如玉溫潤細膩且一切男婦雀斑酒刺及身
皮膚粗糙用以洗之無不效驗

治癩風濕刺雀斑方 皂角 甘松 白芷 各二錢 蜜陀僧 白



附子 潮腦各一錢 楮實子 萊豆粉各三錢 右藥共為

細末水調塗患處即愈

玉肌散 治一切風濕雀斑酒刺白屑皮膚作癢等症 萊豆粉

半兩 滑石 白芷 白附子各二錢 共為末水和晚塗面

上次早洗去久之肌膚自潤

又方 七月七日午時取甜瓜葉七片直入北堂面南立逐片拭

之麤即滅

婦人面黥方 李核仁去皮研細末用雞子和如稀糖晚間塗面

至旦洗去後塗胡粉忌見風不過五六日即愈

粉滓面黥方 桃杏仁各一升用東流水浸七日洗面六七遍自

愈

治面上雀斑方

蓖麻子蜜陀僧硫黃各一錢用羊髓和勻夜夜

敷之即愈

玉容散

專治男婦雀斑等症

潮腦

霍香

陀僧

茯苓

各一兩

白芷

五錢

胡粉

花粉

各一錢

右藥共為細末每

用少許臨卧時水調搽面上次早洗去內加硃砂二錢胭脂

五錢萊豆粉二錢搽數日姿容可愛至十日面如桃花

治雀斑方

雀斑多因腎水不足之故當以六味地黃丸滋養腎

水外用玉容散早晚擦之漸愈

眼目總論

眼目一症雖有七十二種之辨五輪六廓之分皆非確實之論徒滋疑惑倘據以為憑遺誤實非淺鮮大凡病目者紅為熱白為寒癢則屬風澀則屬氣繼或紅腫眩暈翳膜昏花症非一端而止而究其所由不過虛實盡之矣切不可妄用鍼刀偶得小愈亦屬僥倖否則有貽患終身者矣又不宜過用涼藥恐冰其血海則滯而不流亦成痼疾也且治婦人尤宜慎之蓋方中多有傷胎墮產之藥臨時除去須以活血為主若夫小兒眼疾有實無虛多熱無冷不過多食五辛熱物以致目生瘡翳祇須清熱敗毒不可用藥吹點恐血氣未定易傷其目也如遇痘疹之後毒氣結於心肝發於

眼目瞳人散大視物不明是又不治之症也聊錄數方其慎用之

目疾通治方 荆芥 羌活 甘草 甘菊 防風 藁本 黃

芩 山梔 赤芍 白芷 乳香 沒藥 各一錢 全蝎

水二鍾煎一鍾空心服凡患目者十餘日內急服二三劑無

不立效若妄為增減則不驗矣

眼痛方 雞肝 一箇要不落水者 芙蓉葉 一錢炒研末 肉果 五分研末 龍胆草 七分研末

將三藥末共入雞肝內飯鍋上蒸熟食之即初瞎者多服亦

能復明

治目珠晚痛方 夏枯草 香附 各二兩 共為細末每用一錢

五分清茶調服即愈

撥雲散 治雲翳屢試屢驗 製蘆甘石六分片腦一分空青二分

研極細末點之效

治火眼方 當歸 黃芩 連翹 菊花 山梔 生地 各

赤芍 柴胡 青皮 川芎 防風 龍胆草 各八分桔梗

七分羌活七分黃連六分甘草五分 引用燈心二十寸水

煎服

治火眼赤痛方 豬膽一箇銅錢三文同置盞內蒸乾取胆為丸

如粟米大安眼中立愈目赤者以熱水濯足便佳忌食犬肉

雞鵝鴨蛋魚等物

明目補腎方 兼治筋骨疼痛等症 小紅棗十二枚冷水洗淨去皮 甘枸

杞子三錢 小馬料豆四錢

水二碗煎一碗早晨空心連湯

服立愈

明目方 甘枸杞子三錢 菊花

七朵 去蒂

每早白水調服眇者久服

可以復明

治眼腫暴痛方 青布一塊用水洗淨乾後再用生薑汁白礬末

塗布上搭眼胞頂閉目少頃淚出痛即止腫亦漸消

治風爛眼方 腌白梅一箇去核入綠礬少許川椒三十粒用五

銖錢兩箇夾之以麻繩紮住其根水浸過洗之自愈若小兒

出痘時患此再加馬料豆一歲一粒投水中

又方 煨白礬一兩銅青三錢研末水泡俟澄清洗之

治眼弦濕爛方 蠶沙用真麻油浸一二日取出研末拭眼皮上

無論大人小兒遠年近日拭之即愈此方又名一抹膏

治風癢流淚眼弦濕爛方 生薑一塊用銀簪插入即拔出點眼

角其效如神

治爛弦倒睫方 青礬火煨出毒研末水泡俟澄清洗之即愈

治疳眼方 海螵蛸牡蠣各等分研末以水為丸如皂角子大每

服一丸用豬肝一箇米泔煮熟和肝食之立愈

又方 羊肝珍珠草同煮食之甚效

治眼流冷淚方 菊花 蜜蒙花 石決明 白芍 甘草 木

賊去節 白蒺藜 去刺

各等分為末每服二分漸加至二錢

止茶調送下或睡初醒時以不語唾搽之亦極效

治肝熱生翳方 楮實子研細末每服一錢飯後蜜水送下楮實

即穀樹子

治眼生翳膜方 薺菜根葉洗淨焙乾為末水調洗之再用米泔

點眼角澀痛忍之久則翳膜自退

火眼暴痛方 薺菜根搗汁點之即愈

眼中起星方 葶薺槌如泥水調鋪紙上候乾刮取點患處即愈

眼生雲翳方 鮮菖蒲研汁點之神效異常

又方 鵝不食草塞鼻中隨時更換一二日內可以復明

治肝虛目翳白睛俱赤方 海蚌殼燒成灰木賊焙乾 各等分



為末用薑棗水熬過連渣日服二次極效

治浮翳粟翳霧膜遮睛方

生白鹽研細末用大燈草挑鹽少許

輕手點翳上不疼不痛勿驚勿慌其效甚捷

又方 用青魚膽輕輕點之立愈

又方 雀糞取小直者以人乳調之置眼中極效若赤線貫瞳人

及弩肉青盲眼點之亦效

又方 白礬一升水四碗用銅器煎半碗再加蜜少許以綿濾過

每日點三四次即愈 按白礬能去膜銅以制肝取金能尅

木之義也

又方 夜明砂研末入豬肝內煮熟飲汁即愈



嚙鼻去翳碧雲散 治一切目赤腫脹羞明昏暗隱澀疼痛眵泪

風癢鼻塞頭痛腦酸外翳扳睛諸症 鵝不食草 二錢 晒乾 青黛

一錢 川芎 一錢 共為細末 含水一口 以少許嚙人鼻內 淚

出為度奇效異常 或用鵝不食草一味 嚙鼻內亦效

治目中風翳作痛方 薤白截斷安膜上 少頃去之 數次後痛止

膜消 按薤菜味辛能散血行氣 故可以去膜也

治青盲不見方 夜明砂 炒黃糯米 各一兩 炒黃 柏葉 一兩 炙 共研末

用豬胆汁和為丸 如梧子大 每夜卧時服二十九 竹葉湯送

下至五更時再服二十九 丸極效

治青盲雀目方 石決明 一兩 煨 蒼朮 二兩 去皮 共研末 每服三錢 再

用豬肝一箇劈開入藥其內用砂鍋煮熟以氣薰目俟冷食其肝並飲其汁自愈

又方

夜明砂

三錢水淘淨
瓦上炙黃

石決明

三錢火
煨存性

共為末用豬肝四

兩以竹刀分數片塗藥末於上用濕紙包緊焙乾食之奇效

異常

又方 海螵蛸半觔研末用黃蠟三兩化水和藥成餅如錢大每

服一餅以豬肝煮湯送下並食其肝亦效

又方 真紫芥菜子三錢炒黑研末用羊肝一箇分切八塊將藥

末置肝上煮熟冷食極效

又方 青羊肝一個用淡醋煮熟食三五次即愈治小兒尤效

又方 穀精草一兩羊肝一個同入瓦鍋內煮熟食之忌見鐵器

如小兒不肯食即研末為丸亦可

又方

甘菊

黃連 各三錢 夜明砂 七錢

共研末水為丸如梧

子大每服七丸鹽水送下

拳毛倒睫方

木鱉子一箇去殼研末用綿物裹緊左眼塞右鼻

孔右眼塞左鼻孔一二夜其毛自分

治弩肉攀睛方

浮萍草研末入冰片少許貼眼上即愈

治目中弩肉赤腫瞳人障蔽方

白丁香研末以初胎男子乳調

勻敷眼上可以去障消腫兼治面上雀斑酒刺

治飛絲入目紅腫作痛方

取篋上頭泥少許點入眼角飛絲即



出紅腫亦漸消散

又方 菖蒲研末置鼻孔內左患塞右右患塞左亦極效

又方 用刀刮指甲末少許以唾和勻點之其絲自聚而出

又方 明礬一兩研末用水調碗內以舌浸之其絲從舌上出奇

甚驗甚

又方 用燈草調指甲末點眼上即出如塵土等物亦效

治蛛絲入目方 舊墨磨濃新筆蘸墨點眼角內少頃用手輕挑

即出如絲未盡再磨墨點之

治麥芒入目方 煮大麥汁洗之即出

治諸物迷目方 東牆上馬齒莧燒灰研末點眦頭少頃即出

治偷鍼眼方 以絲線繫中指根左目繫右右目繫左一宿即出

此症屬肝脾二經火甚故也此方神妙異常屢試屢驗

洗眼方 將自己小便乘熱拭洗閉目少頃甚效

又方 六月六日用頂上白鹽以雪水淋過存之遇有眼目腫痛

等症泡湯熱洗驗甚即用尋常鹽泡洗之亦可但不可用冷

水耳

又方 川連 當歸 朴硝 各一錢 明礬 三分 杏仁 七粒去尖研如泥 郁

李仁 四十九粒去殼研爛 銅青 三分 水二碗煎一碗再加人乳一酒

盃先薰後洗數次即愈

又方 法皮硝六錢洗淨水一碗煎七分俟澄清洗之即年老昏



暗洗之亦可復明但洗之日必須齋戒誠敬寡欲清心方能
應驗如神每月吉期開後

正月初一 二月初一 三月初四 四月初四 五月初五 六月初
一 七月初五 八月初一 九月十三 十月初二 十一月十六 十
二月初一 閏月照前月日期

神傳洗眼方 上好皮硝六錢清水一碗煎八分按每月吉日洗
之無論紅腫瘴翳年久瞽者洗之無不效驗

正月初五 二月初一 三月初三 四月初九 五月初五 六月初
四 七月初三 八月初一 九月十三 十月十三 十一月初一 十
二月初四 閏月照前月日期

又方 當歸 白芍 銅菜 皮硝 川連 右藥各等分用米

三碗煎一碗裝入磁瓶內封口埋地下三尺許不論大小月
建數至二十一天取出盛磁器內不拘多少洗之神效異
山西太原府學官某年十九歲兩目失明多年莫愈偶遇一
道士傳此方洗之即愈學官即遍傳此方以活多人得此方
者慎勿隱秘弗傳焉則幸甚

又方 五倍子 蓂苳 桑葉 槐枝 菊花 艾葉 冬青皮

各等分水煎洗之凡翳膜赤爛不拘幾日洗之立效

又方 當歸稍 一錢 杏仁 七粒去皮
尖研末 郁李仁 四十九粒
去皮研碎 防風 一錢

黃連 一錢 黃柏 一錢 銅象 三分 明礬 三分 用河水煎湯浸

一宿温洗立愈

又方 採冬月桑樹未落葉煎湯洗之甚驗

又方 歸鬚四分 蘆甘石四分 枯礬一分 銅象一分 右藥共研

細末用白絹包作二小包稱勻泡白滾水內洗之屢試屢驗

點眼方 羊肝一箇剖開入蜂蜜一錢用線紮緊兩手揉勻白水

煮少頃即取出再用涼水浸半日去水以胆汁點之無論七

十二種眼疾點之皆效驗如神

又方 用豬膽數箇煉膏每用少許噙口中即愈或水調服或用

汁點之皆效

又方 青魚膽名水 人乳名人 蜂蜜名花 青羊膽名草 以上三

藥裝入羊膽內挂通風處四十九天收起點眼角內名曰四
精膏無論風熱眼症皆效驗如神

治火眼方 甘草 防風 荆芥 柴胡 大黃 黃芩 各

細辛二錢 水二碗煎八分溫服

洗紅腫眼方 桑白皮 木賊 防風 歸尾 黃連 側柏葉

生地 各等分煎湯濾清洗之極效

洗乍發眼方 黃蛇草一名千里光煎湯洗之甚驗

熱眼薰洗方 當歸 赤芍 生地 凌霄花 黃柏 黃連

紅花 穀精草 各等分煎湯俟冷薰洗即愈

治眼痛方 甘菊花 三錢 穀雨茶 五錢 炒梔子 一錢 炒枯苓 一錢



水煎服不拘久暫眼痛無不效驗

十全神曲丸 此方專能明目百歲可讀細字常服有效 神曲

四兩 硃砂 一兩醋煨碎

共為細末以蜜為丸如梧子大每服二

錢飯後茶送下

治年老昏花方 人參 黃連 各一錢 用人乳一碗浸七天去

藥將乳用銀鍾隔水炖一炷香為度臨用以銀簪或骨簪挑

乳點眼角極效

退雲散 專治兩目翳膜朦蔽瞳子等症 當歸 生地 白菊

花 木賊 穀精草 羌活 白芷 大黃 酒炒 黃柏 石

決明 蔓荊子 龍膽草 連翹 各一錢水煎飯遠服



明目散 薄荷 甘草 天麻 荆芥 防風 甘菊花 當歸

連翹 枸杞子 川芎 白芷 蜜蒙花 右藥各等分合

研細末每用三錢清茶送下

洗肝明目散 歸尾 川芎 生地 赤芍 黃連 黃芩 梔

子 石膏 連翹 防風 荆芥 薄荷 蔓荊子 菊花

白蒺藜 桔梗 甘草 草決明 右藥各等分水煎飯後

服如光圓而痛甚者加川烏如有翳障者加蒺藜木賊去赤

芍防風如肝火甚者加膽草柴胡去薄荷如大便秘結者加

大黃川芎桔梗

清心明目方 川羌活 一錢 防風 一錢 炒梔子 一錢 歸尾 一錢 芍

藥 八分 白菊花 一錢 白茯苓 一錢五分 蟬退 一錢 去翅 穀精草 一錢

木賊 二錢 川芎 八分 甘草 八分 水二碗煎八分早晚飯後

服常服尤效

又方 細辛 六分 防風 一錢 知母 一錢 羌蔚 一錢 車前子 一錢 黃

芩 一錢 桔梗 七分 白菊花 一錢 白蒺藜 一錢五分 黑參 一錢 黃柏

一錢 水一大碗煎八分渣煎六分早晚飯後服常服尤宜

補肝丸 羚羊角 一錢 白茯苓 細辛 人參 羌活 元參

車前子 黃芩 楮實子 石斛 夏枯草 防風 各五錢

共為末米汁調服每服三錢

收肝散 白菊花 生地 白芍 茯苓 細辛 防風 柴胡

柏子仁 甘草 各等分半酒半水煎服

治肝經受傷方 川軍 蟬脫 防風 白芍 當歸 茯苓

元參 各五錢 白菊花 荆芥 梔子 各一兩 燈心 一撮

竹葉七片每用二錢水煎八分温服

猪苓散 治目有黑花如蟬飛者極效 猪苓 茯苓 滑石

阿膠 澤瀉 右藥各等分不拘時水煎温服

又方 當歸 白芍 各一錢 羌蔚 八分 木賊 七分 白菊花 八分

黑參 一錢 甘草 六分 丹皮 七分 水煎早晚飯後服

又方 天門冬 赤芍 防風 各一錢 甘草 七分 生地 一錢 鬱金

一錢 梔子 一錢 紅花 八分 乃京 一錢 水煎早晚飯後服



眼目腫痛方

川連

三錢酒炒

白蒺藜

五錢

川芎

二分

木賊

二分

蟬退

三箇

穀精草

二分

黃參

一分

石決明

二分

柴胡

三分

胆草

分連翹

三分

桔梗

四分

甘草

二分

豕豆皮

三分

牛子

三分

水二碗

煎八分

飯後服

數十劑

即愈

或用朮米

一把

水浸半

日取出

再肥皂

中泡如

炭色研末調菜油抹痛處亦極效

右方如痘中生翳自內發者加荆芥自外生者加龍胆草目

紅睛者加桑白皮杏仁蜜蒙花目角痛者加梔子目根痛者

加薄荷

治兩目夜視不明方

羯羊肝一箇勿沾水勿沾鐵器以竹刀切

開入穀精草末於瓦罐內煮熟不時服之即愈用黑羊更妙

明目地黄丸

生地黄

酒洗

熟地

各四兩

知母

鹽水炒

黃柏

酒浸

枸杞各二兩

獨活

一兩

免絲子

酒製

川牛膝

酒洗

沙苑蒺藜

各三兩

右藥研極細末煉蜜為丸如桐子大夏月淡鹽湯

送下餘用黃酒送下

製眼藥法

揀頂上蘆甘石打碎如菜豆大入銅鍋內用童便浸

二指深以桑柴火煮之嘗有鹹味即止取出四兩名為龍砂

又取九兩入礮內封口桑柴火蒸半炷香時候冷取出名為

五烹再將蒸過甘石四兩研細末名為五烹虎液

荆芥

薄荷

紫蘇

防風

羌活

連翹

蘄艾

蒼耳

子槐角

赤芍

黃連

千里光

豬胆

榮木

藿本

冬桑葉 牛旁子 芫蔚 右藥各三錢入銅鍋內熬汁去
滓澄清再將藥渣熬之俟冷再入薑汁三錢合五烹甘石同
煮少頃取出焙乾名虎液又將前出四兩龍砂用千里光蠶
砂柴灰各二升以童便燒滾潤濕用皮紙托著再以童便燒
滾滴汁二三碗入甘石於汁裝罐內封固煮半炷香時候冷
取出乃名真正龍砂

配合眼藥法 龍砂 五分 虎液 三分 五烹 二分 冰片 一分
共為

細末研至無聲為度一切障翳點之即愈

又方 硃砂 一分 龍砂 二分 五烹 二分 冰片 六釐 研極細末裝

入磁瓶內一切風熱赤障癢痛點之立效

光明眼藥方
蘆甘石 防風 荊芥 黃連 黃柏 水五碗

煎至兩碗將甘石取出燒紅九次焙乾研細末點之極效

精配眼藥方
蘆甘石 三錢 片腦 三分 硃砂 六分 硼砂 六分 白丹

香一分 共研極細末收入磁瓶內一切風熱內外障點之

極效

鼻症總論

鼻為肺竅凡五藏六府之火四時不正之氣一入於肺即發見於鼻或窒塞而不通或涕流而不止類皆始於肺也然其症有二由於風寒外感經絡壅塞以致清涕噴嚏治宜解表散風一由於內火上炎以致濁涕壅塞治宜清降若見稍愈便宜滋陰益水久之自安若夫酒醞鼻赤肺有濕熱薰蒸面鼻血熱而然又有色變紅紫而生皴癩者此肺經素多風熱也聊錄數方以備擇用

鼻淵方 此症一名腦漏因風凝入腦門與太陽濕熱交蒸乃成是疾或流清涕常濕無乾服此方甚效 白芷 一兩 蒼耳子

炒辛夷仁 各二分 錢薄荷 五錢

右藥共研細末清茶調服即

愈

又方 鵝不食草少許塞鼻孔內即止

又方 藿香葉一兩研末用豬胆一箇同熬成膏每服二錢飯後

白滾水送下如日久頭眩虛暈須服補中益氣湯以滋陰壯

水

治控腦砂方 此症鼻中時流黃水其味甚臭緣虫食其腦也用

絲瓜藤近根三五尺燒存性每服一錢溫酒送下痊愈即止

不可多食

治鼻塞方 通草細辛附子各一錢以蜜為丸綿裹塞鼻中無論

外感內火塞之立通



治鼻紅方 用好陳酒盪熱自足浸洗至膝踝以汗出為度甚者

可洗至半身即愈屢試屢驗

又方 青蒿搗汁服之渣塞鼻中甚效或用孩兒菊搗汁和酒服

之渣塞鼻中亦極效

又方 雞子清食數粒紅自退

又方 髮燒成灰井水調服一錢五分再用髮灰少許入麝香數

釐吹鼻中外以紙一張作八摺冷水浸濕置患處以微火熨

斗熨至一二重紙乾即止甚效

又方 麥冬二錢 白芍 荆芥 山梔 連翹 生地

錢各一 錢炒 七分 一分 錢

甘草四分 水煎溫服



又方 用刀刮指甲末吹鼻中極效

又方 用生薑汁磨墨置鼻內即愈

治鼻血不止方 生地麥冬各五錢水煎服即止

又方 人乳童便老酒同煮熟服尤效

治鼻痔方 瓜蒂炒甘遂各四錢炒枯礬五分松香五分 共為末香

油和勻成丸每用一丸入鼻內點痔化為鼻水一日一次自

爛下

治婦人經逆行鼻流血方 用韭菜汁服之即止其效無俦

治甕鼻塞肉方 枯礬研末綿裹塞鼻中數日自消如鼻中肉垂

臭不可近痛不可搖用礪砂少許吹鼻中自化為水



治酒皰方 苦參當歸各四兩洗淨研末酒湖為丸如桐子大飯
後熱茶服八十九藥盡即愈

又方 用穀樹脂不時搽塗久之自散

又方 凌霄花山梔各等分為末每服二錢茶送下日服二次數
日即消散無痕

治鼻瘡方 百草霜研細末每用三錢冷水調服立愈

又方 杏仁去皮尖乳汁和搽極效

又方 桃葉嫩心杵爛塞之即愈如無葉用枝亦可

口舌總論

口為脾之竅舌者心之苗凡口舌生瘡皆由上焦多熱治宜降火
清熱方能見功然亦有多服清涼毫無少效者蓋因酒色勞倦過
度以致中氣不足虛火上炎或補心脾或滋腎水反而治之方可
全愈故虛實寒熱之間不可不詳辨也若夫舌下腫出如舌者名
曰重舌舌上腫而硬者名曰木舌總皆上焦火盛之故如遇此症
急以鍼刺舌尖洩其毒血內用清熱降火之劑服之自愈切勿誤
投補劑以益其火慎之慎之

治脾虛口瘡方 人參 白朮 附片 甘草 乾薑 右藥稱

各等分水煎溫服

又方 黃連乾薑各等分研末敷患處涎流即愈

又方 人中白七分枯礬三分研末敷之極效

又方 用青銅錢二十文燒赤投酒中少頃取出服酒自愈

又方 用生薑汁漱口數次即愈

治口疳瘡方 紅棗十枚燒存性加梅片二分敷患處即愈

治口破方 滑石一錢 辰砂三錢 冰片二分 共為末敷之兼治

牙痛鵝口

治口爛方 生明礬為末敷之極效或噙口中良久以水漱之亦

可

治口唇腫痛方 用磁鋒刺破出紫血再以古銅錢磨豬油搽之



即消或用大黃豬胆搽之亦極效

治口唇燥裂方 橄欖泡湯服之再取核中仁研爛敷患處或用

胭脂敷之亦極效

治口中生蕈方 用陳醋漱口再以茄母灰飛鹽各等分米醋調

稀不時擦患處自愈

治口臭方 丁香 藿香 麝香 香附 甘松 益智仁 零

零香 當歸 桂心 白豆蔻 檳榔 白芷 各等分以

蜜為丸如梧子大每日嚙口中五丸化之其臭漸退

又方 甜瓜子杵為末蜜和為丸每早漱口後含一丸自愈

治舌上出血方 烏賊蒲黃炒研末敷之即止

又方 槐花炒黃研末敷之亦極效

治舌腫滿口方 蒲黃研末敷之立消或用鍋臍煤研細末白酒

調勻敷患處亦極效

治重舌木舌紫舌方 黃連 山梔 荊芥 黃芩 連翹 木

通 薄荷 牛旁子 各一錢 甘草五分 燈心二十寸 水一

碗煎八分飯後溫服自愈

又方 薄荷研末用米醋調勻敷舌上涎流自愈忌煎炒食物十

數日

治舌出不能入方 草麻油蘸紙上燒煙薰之自消

治舌長過寸方 頂上梅片研末敷患處漸縮



治舌上生瘡方 青黛三錢黃柏六分研末香油調敷即愈再用

後方服之 大黃 山梔 連翹 各一錢 防風 五分 甘草

分燈草七分 水煎空心服

治口瘡方 黃柏 薄荷 青黛 孩兒茶 瑞香花 石榴花

各五分共研細末加冰片三釐搽之立愈

治重舌木舌方 薑蠶研細末吹患處痰吐即愈屢試屢驗

治舌上生瘡方 黃柏 一兩 青黛 三錢 肉桂 一錢 冰片 二分 共

研極細末收存磁瓶內每用少許吹之神效異常

治食韭口臭方 飯後食沙白糖少許其味自解

治唇裂生瘡方 用青皮香燒灰敷之立愈

治腮頰腫痛方 赤小豆研細末用蜜和勻敷之一夜即消或加

芙蓉葉末調敷尤妙

解毒消腫方 赤小豆研細末用蜜和勻敷之一夜即消或加

芙蓉葉末調敷尤妙

赤小豆研細末用蜜和勻敷之一夜即消或加

芙蓉葉末調敷尤妙

赤小豆研細末用蜜和勻敷之一夜即消或加

芙蓉葉末調敷尤妙

赤小豆研細末用蜜和勻敷之一夜即消或加

芙蓉葉末調敷尤妙



牙齒總論

牙齒之病不一而盡大抵非溼熱生蟲即腸胃蓄火如病在牙床腫痛脫落以致牙縫出血者皆熱積於腸胃也治宜以清火主之如肥甘溼熱化生牙蟲以致蝕損蛀空牙敗而痛者此蟲食其齒根也治宜以殺蟲主之其有腎虛而痛者搖動踈豁痛不可忍蓋齒乃骨之餘骨為腎之主所謂腎衰則齒豁腎固則齒堅也然寒熱之別亦不可不辨如痛在左者宜壯腎中之陰痛在右者宜補腎中之陽若牙縫出血浮動脫落手足厥冷六脈微細者此屬格陽於上治宜以歸氣飲主之倘誤用涼寒必至不治又有牙床腐爛臭穢脫落名曰走馬牙疳此熱毒蘊蓄而然大為凶候速投清



火之劑猶可少愈否則有不能救藥者可不慎歟

治火牙疼痛方

生石膏八錢

荊芥

防風

丹皮各一錢

生地

二錢

青皮

六分

甘草

五分

如上正門牙疼屬心火加黃連

八分麥冬一錢二分如下正門牙疼屬腎火加知母八分鹽

炒黃柏八分如上兩邊牙疼屬胃火加白芷八分川芎一錢

二分如下兩邊牙疼屬脾火加白朮八分白芍一錢二分如

上左邊牙疼屬胆火加羌活一錢胆草八分如下左邊牙疼

屬肝火加柴胡一錢山梔一錢如上右邊牙疼屬大腸火加

酒軍一錢枳殼一錢如下右邊牙疼屬肺火加黃芩一錢桔

梗一錢 以上按症加藥水煎飯後溫服徐徐漱口三服即

愈忌食油膩煎炒鴨蛋糟醋等物

治牙疼方

古銅錢一文 核桃仁一兩

共搗爛熟酒煨服可以

止疼消腫久服可以除根

又方

頂細茶葉三錢 石膏一錢

共為末擦患處立止

又方

銀硃三分 硝七分

共研極細末搽之即愈

治風火牙疼方

荔枝連殼燒存性研末搽疼處神效異常

治牙蟲蛀方

杏仁燒存性研爛髮裏納孔中可以殺蟲去風

治胃火牙痛方

當歸 生地 黃連 山梔 各一錢 丹皮 六分

升麻 八分 甘草 五分

水煎飯後服此方治積熱腸胃牙根

腫痛或牽引頭腦作痛面熱耳紅無不效驗



又方 石膏三錢 生地 升麻各三錢 川連一分 丹皮 當歸各

一分 水煎溫服即愈

又方 鳳頭荔枝殼一箇用鹽填滿火煨存性研末擦痛處少頃

再以防風川椒甘草浮麥煎湯漱口即愈治風火牙痛尤神

效異常

又方 楊梅樹皮醋煎湯漱齒痛即止

又方 黃連生薑共搗如泥敷牙縫痛即止

又方 粗磁碗一箇用川椒鋪底樟腦蓋面再覆一碗於上鹽泥

封固以文武火煨一夜次早取藥出研末每用一釐擦齒根

立愈



又方 青果一枚煨存性置地上覆以碗成炭再加胡椒七粒共研末用棉裹敷痛處不宜多用頃刻即愈

又方 梅片半分 白蒺藜 一錢 共研極細末擦痛處即止

又方 明雄 華菱各二錢 麝香 三分 共為末入磁罐內用時

以中指挑藥擦之甚效

又方 滑石六分 甘草 冰片各一分 共研末擦之亦極效

治風火蟲牙疼方 五倍子 枯礬 胡椒各一錢 共研末擦

牙上即愈

治牙齒乍痛方 紅豆研末擦痛處即止或吹鼻中亦可

治牙蟲方 貫衆一兩以米醋二碗煮湯洗痛處即愈切不可咽

下

又方 韭菜子一撮水一盆用一磁蓋覆水中置韭子於蓋底點
火燒之盆上再覆一酒漏斗令煙從孔出以煙薰牙蟲自出
水中奇效無傳

又方 松脂烘軟塞鼻孔內少頃蟲出脂工

又方 韭菜子用黃蠟包固取瓦片一塊燒紅置蠟丸於上再糊
一紙袋如田螺樣以袋覆蠟丸上以小竹管為袋嘴掛齒
竅中接煙薰之其蟲即死

治風寒蟲牙痛不能飲食方 胡椒九粒菜豆十一粒研末捻作
一大粒置痛處咬緊少頃涎流即愈



治牙宣露痛方 絲瓜藤浸乾火煨存性研末擦之即止

又方 絲瓜藤一撮川椒一撮燈心一大撮水煎濃湯用以漱

其痛立止

治受風牙痛方 天蘿一箇鹽拌火燒存性研末頻擦涎盡即愈

若腮腫以水調敷之亦甚效此方大能祛風惟治牙蟲不效

治齒縫出血方 薄荷 花粉 連翹 桔梗 元參 木通

甘葛各一錢 甘草五分 水煎溫服

治胃中實火牙根腫痛血流不止方 黃芩 黃連 生地 丹

皮 升麻 石膏各一錢 水煎飯後服

治胃中虛火牙根腐爛淡血滲流方 蘆薈 柴胡 黃連 牛

旁子 元參 桔梗 山梔 石膏 羚羊角 薄荷各錢

淡竹葉 十片 甘草 升麻 各五分 水煎飯後服

治牙根爛方 鴛口皮 三箇 孩兒茶 馬子 城冰片 各等分 共研末

擦爛處自愈

又方 生薑 雞爪 黃連 搗爛 敷患處 即愈

治齒疎陷物方 蘆甘石 煨存性 寒水石 共研末 每用少許 擦之

忌刷牙 漱口 久之 自密

固齒方 何首烏 龍眼肉 青鹽 各等分 共搗 一處 入龍眼

殼 內外用麪 為衣 火煨 以煙盡 為度 研細末 用以擦牙 久之

自固

治牙疔牙宣腮漏骨燥風火蟲蛀痛不可忍飲食少進仙方

細辛二錢 白芷二錢 防風二錢 川烏二錢 川椒二錢 透骨草

二錢 金銀花三錢 右藥用水三碗煎一茶碗夏溫服久

服於每夜三更時星斗出全端坐院中向北誠心一舉藥水
然後含口內連漱三次切勿咽下輕者一次即愈重者再煎
再漱余中年曾患骨燥風症五年之久百藥罔效終日淹纏
卒無良策忽遇張姓者口傳此方歸而按法煎漱初漱痛即
止飲食亦能進再漱即愈嗣後遇有此症輒以此方治之三
十年來傳施弗懈屢試屢驗蓋此藥七味上合七星之精果
能誠虔煎漱無不效驗用此方者慎勿褻玩焉

取牙方 鳳仙花根 玉簪花根 石灰各一錢 共研細末水

和成條擦牙上即落

固齒擦牙散 大熟地 五錢 何首烏 五錢 桑椹 五錢 槐子 五錢 棗

苓 四錢 五倍子 五錢 製香附 五錢 細辛 五分 牙皂 七錢 青鹽

七錢 荔枝殼 七錢 共研細末擦牙百遍可以固齒

又方 青鹽 半觔 槐柳桃榆桑條 各一枝每枝重二兩 生地 二兩 甘草 一兩

荔枝殼 四兩 以上各藥用火煨存性研末擦之極效

治牙床口舌生瘡方 人中白 三錢 黃柏 一錢 青黛 一錢 銀硃 一

錢 硼砂 三錢 孩兒茶 二錢 薄荷 二錢 沒藥 一錢 川連 一錢 冰

片 三分 真龍骨 一錢五分 共研細末先用米泔洗痛處後敷此

藥極效

固齒烏鬚髮擦牙洗面方

青鹽

四兩
火煨

石膏

四兩
火煨

細辛

四兩

白芷


四兩

右藥共為細末用桑槐柳葉各十二兩入砂鍋內煮

爛再用夏布澄漿出去渣再入食鹽一觔同前藥末並入鍋

內再熬至色黑取出晒七日即成漱齒烏鬚髮洗面無不效

驗



耳疾總論

耳與腎通開竅於少陽之部會通於三陽之間固也然腎脈却不能上頭必藉心腎相交假心之道以上升耳內經云五藏不和則七竅不通又云腎和則耳能聞五音矣故凡虛鳴聾瞶皆由腎元稟賦不足或因病久真氣耗散以致心腎不交清氣不得上升也亦有先耳鳴而後聾者此腎虛不能閉藏陰氣窒塞於陽竅也若夫感冒暴聾總不外少陽一經足少陽膽脈遶耳輪手少陽三焦脈入於耳邪氣壅塞聽宮為其所掩治宜以逍遙散主之然亦須審其火之盛衰辨其脈之數弱神而明之存乎其人非可以筆楮傳也

治耳聾方 新鐵片三塊置口內再用好磁石塞兩耳靜坐其耳
忽鳴而通有頃刻通者有數日通者極效

又方 全蝎一箇去毒搗爛酒調滴耳中聞水聲即愈若年久者
多滴數次

治氣閉耳聾方 甘草 甘遂 各五分麝香一分 共研細末入
葱管內塞耳中自愈

治鼻塞耳聾方 柿餅三箇切碎加硬米三合煮粥空心食之即
愈

治耳虛鳴方 麝香 少許 全蝎 十四箇 薄荷 十四葉 將麝香全
蝎裹薄荷葉內瓦上焙乾研末滴水捏作錠子塞耳內即愈



治耳痛方 用枯礬末吹耳中自愈或用青礬燒灰吹之亦可

治耳痛如有蟲在內或由內流血方 蛇退燒存性研末用鷲翎

管吹入耳中自愈

治耳內腫痛出膿及流黃水方

枯礬 五分 胭脂胚

二分 麝香 五分

分燒

共為末先用棉杆搯耳中膿血後吹藥末入耳即愈

又方 銅鐵香鑪蓋上煙煤括少許再加輕粉少許共為末用蘆

管吹耳內立愈

又方 金絲草搗汁滴耳內隨即傾出日二三次自愈

又方 人牙燒存性加麝香少許研末吹耳內自極效

又方 雞蛋殼一箇要抱出雞子者炒黃研末油調灌耳內即愈

治耳中出血方 龍骨研極細末吹入耳內血即止

治耳爛方 陳皮一錢 燒灰 輕粉 三錢 麝香 五釐

共研末拌勻敷耳

內即愈

治耳痛生瘡方 昆布 蘇木 甘草 龍胆各二錢 連翹 黃

連 黃芩 牛蒡子 當歸 炙甘草 生地各三錢 柴胡

黃耆各四錢 桔梗一分 紅花 少許 桃仁三箇去皮 水二碗

煎一碗飯後服忌用寒涼藥

治蟲飛入耳方 葱汁 韭汁 桃葉汁 人乳 雞冠血 共

調勻滴入耳內即出

治耳內流膿腫痛已消方 枯礬三錢 乾胭脂二錢 麝香一分

上白 五釐



共研末收入磁罐內用棉杆先揩耳內膿後用棉裹藥送入

耳內自愈

又方

薑蠶

五錢燒灰

麝香

一釐

用棉裹塞耳內即愈



耳中出血方 龍骨切細末入耳內血即止

耳爛方 陳皮切細粉三錢麝香五釐 共研末

內即愈

耳痛生瘡方 昆布 蘇木 甘草 龍胆各二錢連翹

連翹 黃芩 牛黃子 雷聲 艾甘草 生地各二錢加月

黃者各四錢桔梗一錢紅花少許桃仁三錢法如前水二

煎一飲飯後服忌用寒涼藥

大吹飛 薑薑註天 麝香 一錢不用絲裏塞耳內即愈

耳內自愈

耳內自愈方 蠶絲內用絲絲長絲耳內難於用絲裏塞耳



咽喉總論

喉為五藏之鎖鑰凡五藏之火皆能上充而為疾考之古方書所載雖有十八種之辨而皆指其火熱而言初未辨其虛實不知火有真亦有假如實火可清者謂之真火虛火不宜清者即陰虛水虧之症謂之假火又如陰盛格陽內真寒而外假熱亦謂之假火也須辨其風熱虛實之分審其緩數浮沈之脈庶無貽誤若概以為火專用清降之藥即得少愈亦屬會逢其適可不慎歟若夫腫見於外有形可察最易辨別如腫於咽之兩旁者名曰雙蛾腫於一邊者名曰單蛾其形圓突似珠結於喉間急以鍼刺血出使其毒洩而自愈矣若纏喉風則滿片紅腫多不成膿不必鍼刺但用

清降之劑火降而其腫自消如中氣內虛疼痛外逼或脈浮而散
或脈弱而澁以致聲如鼾睡痰如拽鉅者此肺胃垂絕之候宜以
挽回元氣為主勿用寒涼致敗生氣若喉癰之症則滿喉生瘡腫
痛久不能愈此陰虛水虧之象凡勞思過度者最易犯此治宜以
人參清肺飲主之又若瘟毒喉痺乃天行瘟疫之氣其症或咽痛
或項腫甚至有頭面俱腫者俗名大頭瘟是也治宜以解瘟消毒
主之種種異症筆難盡傳爰採數方以備臨時酌用

喉閉方 煨石膏 菊花 杏仁 各五錢 麥冬 一兩 苦參 四錢

水三碗煎半碗加蜜一小盞緩服即開如藥不能進者急將
兩臂以帶勒數十次再取紮髮繩紮大拇指用鍼刺指甲邊

即少商穴血出其喉自解不拘左右手皆可

又方 山豆根一撮煎湯含口內徐徐咽下即開

又方 乾豬脬一箇水潤套指上蘸桐油少許入喉內擾之得嘔

吐喉即開無恙

治喉氣閉不通手足厥冷方

巴豆

七粒生三粒熟俱去殼

鬱金

一箇以光明苦中兼

甜味者良

研細末每用半匙茶調下如口禁咽塞者用小竹管

納藥末吹喉中須臾吐出即愈此方兼治雙蛾單蛾或用升

麻四兩銼碎水四碗煎一碗緩服或用皂莢搥碎搗水灌服

俟吐出即愈或將巴豆去皮用棉裹隨左右塞於鼻孔中亦

可立通



又方 石決明三箇醋炙研末用鷲毛蘸藥末探掃喉中令嘔數次氣通即愈

又方 白礬三錢熬化水入巴豆去殼者三粒候乾取巴豆出將礬研末用少許吹入喉中頑痰出即愈

又方 巴豆七粒紙裹捶油後將油紙剪作條燒煙薰鼻內牙關自開再用箸點雄黃胆礬末敷喉間痰出立愈

又方 溫水半碗加桐油三四匙攪勻用硬雞翎蘸油探入喉中其痰湧出連探數次以人醒聲高為度後服清痰利氣之藥自愈

治銷喉嚨津不下方 土牛膝根搗爛取汁男左女右滴鼻中少

頃有紅絲從鼻孔出即愈

又方 桑黃即桑樹所長黃茵搗汁漱之立愈如乾者磨水漱之亦極效

治咽喉腫痛方 貝母 甘草 黃芩 黃連 薄荷 川芎 各

一錢 桔梗 三錢 元參 二錢 水煎溫服

又方 扁柏葉山豆根雪裏青搗汁拌勻服之立愈

治風火喉腫方 受風用鶴虱火用元參煎湯服之立愈

治喉風腫痛方 絲瓜根以瓦盆盛水浸少頃連水飲之極效

又方 壁上土蜂窠微炒研末納竹筒內吹入喉中即愈

又方 取年久溺器經風日吹曬者研末納竹筒中吹喉內立愈

治帝鍾喉風方 食鹽少許煨存性頻點患處即銷垂下半寸者

俗名吊鍾

治喉痛生蛾方 荔枝草搗爛加米醋點之即愈

治雙單蛾方 平地木 木蓮蓬 雪裏青根葉 共搗成汁用

滾米醋沖入汁內再用鵝翎蘸汁掃喉中即以此汁含少頃

咽之吐出即愈

又方 用醋咽三四次或取天蘿水吞之均效

又方 茨梧桐樹根 一名晚娘棒皮色如桑者良曲而色紫者非也 去泥取白皮搗汁二

小碗加米醋清水各一碗調勻噙口中咽之如喉閉用鷺毛

擾之痰吐即能進飲食



又方 五爪龍草搗爛絞汁加米醋一小碗和勻噙口中痰吐即能飲食雖臨危服此可救

又方 急性子研細末用筆管吹入患處再用急性子熬湯溫泡患處其痰自流流盡再以上好明礬一錢吹患處自破或膿或血俟出盡用米湯嚥之即愈

治單蛾方 蒲公英 二錢 青黛 二錢 枯礬 五分 共為末吹喉中 立愈

又方 青黛 一錢 薑蠶 一錢 薄荷 五分 黃柏 五分 元明粉 二錢 冰片 五分 麝香 一釐 共為末收磁罐內用時以水調服後急食薄粥一碗以壓邪熱恐再發也



治雙蛾方 麻雀糞二十粒沙糖和作三九每以一丸綿裹用水吞下立愈甚者吞二九極效

治乳蛾方 硼砂五分焰硝一錢冰片一分薑蠶三箇防風

共研末吹患處或吹鼻內均效

治乳蛾喉閉咽腫方

雞肫肝

一箇取肝內黃皮不見水擦淨陰乾

川連

五分

硼砂

六分冰片三分

共研極細末收磁瓶內勿令洩氣用時以

竹管吹患處神效異常

治喉腫咽閉點水不下方

明礬銀硃不拘多少共研末喉中即

愈

治乳蛾兼腫閉方

瓦松數枝洗淨搗爛取汁漱口數次即開如



冬月無鮮者於九月九日摘取陰乾用時水泡搗汁漱之亦

可

治喉痺方

冰片

五分

生礬

三分

麝香

五釐

石膏

一錢

共為末

吹患處即愈

治喉癰腫脹水穀不進方

胆礬三釐含口內俟惡涎吐即愈

治咽喉生瘡方

百草霜枯礬共研末吹入喉內自愈

治喉癰方

陳白梅

三箇

冰片

牛黃

各一分

胆礬

三分

大礬

八分

孩兒茶

八分

雄黃

八分

山豆根

二錢

共研末

另將白梅搗

爛和勻為丸如龍眼大臨卧時含口內一丸一夜即消

又方

麻黃用桐油擦過煨存性研末吹患處即愈



又方 多年芥菜滷埋地中者咽之即愈並可煎服

咽喉通治方 金銀花 荆芥 防風 射干 黃芩 枳殼

花粉 牛旁子 獨活 丹皮 生地 各等分引用燈心

二十寸水煎服

治咽喉腫痛方 雄黃一錢 焰硝 硼砂各五分 冰片一分 白薑

蠶一錢 炒 共研細末用竹管吹喉中即愈或用孩兒茶硼砂

甘草煎服亦極效

治喉痛方 川貝母三分 滑石 黃芩 天冬 桔梗 元參各

一錢 天花粉四分 山查一錢五分 梔子 石膏各一錢 連翹四分

川黃連 枳殼 甘草各三分 水三碗煎八分服之極效

金鑰散 治一切喉症神效異常 樸硝 一兩 雄黃 五錢 生川軍

一錢 共為細末吹喉中立愈

泡製吹喉藥方 薄荷 三兩 硼砂 二錢五分 明雄 三錢 冰片 三分 孩兒

茶 一錢 共研極細末拌勻收入磁罐內勿令洩氣用時以

蘆管挑少許吹入患處日吹數次自愈即嚥下亦無妨若鎖

喉風口內乾枯者以井水調服亦能開關生液惟脾泄胃弱

者不宜多用餘無禁忌

蘇子降氣湯 治陽虛上攻氣不下降致患咽嗑痰壅等症

蘇子 一錢五分 陳皮 法夏 厚樸 前胡 柴胡 官桂

各一錢 薑三片水二碗煎八分飯後服

冰硼散 治咽喉腫痛口齒生瘡及痰火久嗽音啞等症 紅鐵

皮三分 冰片 珠子 煨 硼砂 海巴 煨 川黃連 姜煨 明礬 煨

辰砂 地膽 各三分 曬乾生用 右藥共研極細末收磁瓶內勿令

洩氣用時以鷺毛管挑三五釐吹痛處自愈重者多吹數次

近年有時疫白喉一症

看法

初起惡寒發熱頭痛背脹遍身骨節疼痛喉內或極痛或微痛或不痛而喉內微硬有隨發而白隨現有至二三日而白始現或有白點白條白塊漸至滿口皆白此乃大陰腑証風濕而聚加之陽明胃經腑熱肺氣弱者多有此症者所治皆

同服藥後喉內或白收緊或白稀疎或白微小或白轉黃久之必然退淨

治法

初起用粉甘葛薑蠶蟬退以散風熱以牛旁子連翹金銀花土茯苓消腫敗毒生地黄芩元參枝仁豆根麥冬石膏清熱木通澤瀉車前仁引熱下行重者再加馬勃龍胆草外用生土牛膝搗汁或於未服藥之先後煎水沖服再以萬年青搗汁或服或噙輕者以除瘟化毒散主之重者以神功辟邪散主之再重者以神仙活命湯主之輕則日服一二劑重則日服三四劑將疫毒由上焦引至下焦自大便出若泄瀉火毒



下行此吉兆也倘大便閉塞少加熟大黃仍閉改加生大黃
大便泄即去之有服十餘劑愈者有服二十餘劑愈者以白
點退淨為度其有藥味分兩之加減全在臨時酌量連日投
之自然有效屢試屢驗白點退完當以清涼養肺調理為主
或以清心滌肺湯主之徹盡餘毒再以養正湯主之脾胃素
弱者用四君子湯加生何首烏金銀花主之看証全賴靈機
之通變也

以上白喉治法凡單蛾雙蛾喉癰以及喉內腫滿均可依法
治之酌量加減慎之慎之

除瘟化毒散

粉葛 二錢 黃芩 二錢 生地 三錢 枝仁 二錢 薑蟲 二

炒浙貝 三錢 豆根 二錢 木通 二錢 蟬退 一錢 甘草 五分

用冬桑葉二錢 此方白喉初起宜之凡單雙蛾以及喉痛

皆可服

神功辟瘟散 粉葛 二錢 生地 四錢 木通 二錢 連翹 二錢 薑蟲 三

錢 浙貝 三錢 馬勃 二錢 絹包煎 蟬退 一錢 黃芩 二錢 牛子 二錢 銀

花 二錢 麥冬 三錢 去心 引青果核 三箇

神仙活命湯 龍胆草 一錢 金銀花 二錢 黃芩 三錢 生地 四錢 土

茯苓 五錢 生石膏 三錢 木通 二錢 馬勃 三錢 絹包 車前子 二錢 浙

貝母 三錢 蟬退 一錢 姜蟲 三錢 引用生青果 五箇

清心滌肺湯 生地 三錢 浙貝 二錢 黃柏 二錢 麥冬 三錢 去心 花粉 二



錢知母二錢 天冬二錢 黃芩二錢 姜蟲炒一錢 甘草五錢

此方日服一二劑體氣素弱加条參或南沙參生玉竹亦可

銀花四君子湯 黨參五錢 白朮四錢 茯苓三錢 甘草一錢 生首

烏四錢 金銀花二錢 引用冬桑葉二錢

養正湯 玉竹五錢 淮山藥四錢 茯苓三錢 熟地四錢 生地三錢

酒芍二錢 花粉二錢 麥冬三錢 去心 首烏四錢 女貞子三錢

瓜霜散 吹藥 西瓜霜一兩將皮硝灌入西瓜內秋風吹透面上起白霜即是 人中白一錢 火煨

辰砂二錢 雄精二分 上冰片一錢 共研細末再乳無聲如

非白喉減去雄精

無治之症 白塊自落 喉乾無涎 音啞無聲 兩目直視

痰壅氣喘 七日不退 面唇青色 藥不能下 服藥
便不通 未服藥大便泄 大便連泄不止



此方專取一二劑隨氣香兩分各於或沙象金玉竹

銀花燻君子屬黃參五白木白銀花又三

野口金銀花二錢莊周久桑葉二錢

本方專取玉竹江蘇淮山藥四錢茯苓三錢熟地四錢

兩錢二錢花粉二錢參又三錢香馬四錢女貞子三錢

瓜爾膠二錢西瓜霜二錢

辰砂二錢雄精二分上水

其研細末耳乳無

其不與木賊藥大射

其不與木賊藥大射



鬚髮總論

人之髮與鬚眉皆知為血之餘也而不知發生之自要各有所主
焉故有老而髮白鬚眉不白者或鬚白而眉髮不白者以臟腑之
所屬各異也大抵髮屬於心稟火氣故上生鬚屬於腎稟水氣故
下生眉屬於肝稟木氣故側生男子腎氣外行上則為鬚下則為
勢女子闔宮無勢則亦無鬚而其眉髮無殊於男子可知眉髮之
不屬於腎也明其生之所自則以外方內庶亦無大謬焉

烏鬚髮補元固本丸 何首烏 一觔 大黑棗肉 一觔與燈草同煮皮自去 川牛

膝 四兩去蘆晒乾 槐角子 四兩晒乾 胡桃仁 一觔 旱蓮草 四兩晒乾 破故紙 一觔

晒乾 大熟地 四兩晒乾 白茯苓 四兩 共為細末胡桃仁另搗如泥

鐵器

同藥和勻以蜜為丸如桐子大每服五十九白水送下忌見

烏鬚方

五倍子

一錢 炒黑

紅銅末

三分

枯礬

三分

沒石子

三分 煨

榆皮

三分 煨 去粗皮

石榴皮

三分 煨

五爨茶

五分 炒黑

青鹽

二分

共研細末用

茄藍香末和勻茶調搽之或用白麵少許亦可用肥皂洗

淨拭乾後以藥搽鬚上次早洗去久之自黑

烏鬚髮黃赤方

生地

一觔

生薑

半觔

好皂角

十條

各洗淨取

自然汁共渣煎之以色黑為度後將汁與渣同入磁罐內封

固用時取汁搽之久之自轉黑矣

黑髮頭油方

排草

二錢

零零香

二錢

甘松

二錢

三奈

四錢

白芷

二錢細辛 二錢甘菊花 二錢母陽 一錢當歸 二錢熟地 三錢
麥冬 二錢廣木香 五分丁香 五分檀香 五分沒石 一錢
一錢川大黃 二錢甘草 五分山梔 一錢桂香 一錢 右藥同

裝入絹袋內再用白菜油二觔生薑一兩同入鍋內煮熟去
薑俟少冷將藥入瓶內封固埋地下三月取出即可以用名
曰桂花油

烏鬚擦牙方

香附 二兩 青鹽 四兩 蒲公英 一觔

右藥按分量

多寡平分為二十一處用韭菜田中蚯蚓泥搗碎和極稠每
藥一分用桑皮紙包數層令圓緊取泥裹藥成團候乾入火
內煨紅取出稍冷五七日輕輕取藥擦牙自固服半月後鬚

髮即轉白為黑矣勿早剖開恐藥燥成灰不可用矣

烏鬚髮方

茄秧一苗祇留一茄一箇挖一孔將上好徽墨

茄內用紙封好留秧上俟結老取下燒灰用時用水調

頭蘸灰搽鬚髮上即轉黑矣謂之獼猴倒溜樹方也



腰脇總論

腰脇之症其辨論不可勝數大率腰屬腎脇屬肝膽經云轉搖不
動腎將憊矣此指其腰而言也若脇則左脇多怒傷或瘀血作痛
右脇多痰氣或鬱結作痛其間七情六淫之犯飲食勞動之傷皆
足致疾故治脇必須平肝平肝必須補腎腎水足而肝木有養其
痛自止治腰則專以補腎為主蓋腎足而腰可轉搖自若矣然亦
有表裏虛實之異風寒濕熱之分若風寒在表脈緊數而有力其
來必驟其痛必拘急痠軟也若濕滯在經或衣濕衣卧濕地濕從
外入也總皆表症之屬治宜解散其有濕而兼虛濕而兼寒濕而
兼熱者又不可不辨也至若跌撲損傷以致血凝筋骨者宜以加

減四物湯主之症候固有多端審察不容稍忽因症投藥庶乎盡
矣

治腰痛方

骨碎補

杜仲

青鹽

右藥稱各等分研末

腰子內用濕草紙包固煨熟好酒送下連服數箇即愈

又方

絲瓜根燒存性研末酒沖服二錢立止

治腎虛腰痛方

小茴香研末入豬腰內煨熟食之甚效

又方

鹿角剉碎炒黃酒沖服三錢即愈

治腰痛如刺不能行立方

鹿角

四兩炒黃

川牛膝

二兩

共研

末煉蜜為丸酒送下其效甚捷

治腰痛難伸方

山查末三錢茶酒鹽湯送下立愈



治腰閃剝作痛 杜仲破故紙核桃仁各等分酒煎服之甚效

又方 糯米一二升炒極熟盛囊中縛於痛處另分八合研細加

茴香三錢以鹽酒隨時沖服甚效

又方 枳殼 桔梗各八分 甘草 紅花各五分 防風一錢 當歸

烏藥 半夏 木通 杏仁各一錢炒去皮 水二碗煎八分溫服

又方 凡腰腿手足跌撲損傷不能出血但有青紫痕迹者先以

葱白搗爛炒熟將患處擦遍隨用生大黃研末薑汁調敷再

以好酒盡量飲之立愈即日久不愈者以此方治之無不效

驗

治腿痛方 大生地二兩酒浸 白朮二兩土炒 胡麻二兩 川牛膝一兩五錢酒浸



何首烏一兩五錢獨活五錢甘草七錢金銀花二兩真歸身一

酒洗

右藥用無灰好酒十罈蒸熟每日空心飲服不可盡
或加葱白三根生薑三片水煎服亦甚效

治腰腿痛方 甜瓜子三兩酒浸十日為末每用三錢空心酒

服即愈

清燥湯 治元氣虧損濕熱乘入以致遍身酸軟小便赤澀

閉結腰腿痠痛口乾作渴體重頭旋飲食不進盜汗氣

滿體倦等症 黃耆一錢五分神曲二分猪苓 柴胡各二

味子九粒蒼朮五分白朮五分陳皮五分澤瀉五分

二分當歸三分人參三分生地五分黃柏一分白朮

酒拌

麥冬五分 升麻三分 黃連二分 水煎溫服

大腹子湯 治感受風邪 腳氣上攻 寒熱交作 肢節暴疼 心神

惚等症 大腹子 紫蘇 木瓜 荊芥 羌活 赤芍

木通 桑白皮 獨活 青皮 各五分 枳殼 一錢 甘草 三分

水三碗 薑五片 葱白三寸 煎八分 空心服



右藥用... 好酒... 每日... 飲... 不可

或... 白... 三... 片... 服... 亦... 甚... 效

附... 方... 三... 兩... 回... 是... 十... 日... 為... 本... 每... 州... 三... 錢... 空...

此... 藥... 念...

三... 藥... 正... 或... 藥... 生... 長... 所... 必... 命... 運... 以... 服... 飲... 水... 便... 亦... 效

大... 量... 藥... 性... 寒... 涼... 宜... 飲... 酒... 飲... 茶... 飲... 湯... 飲... 粥... 飲... 水... 飲... 酒... 飲... 茶... 飲... 湯... 飲... 粥... 飲... 水...

藥... 性... 寒... 涼... 宜... 飲... 酒... 飲... 茶... 飲... 湯... 飲... 粥... 飲... 水...

藥... 性... 寒... 涼... 宜... 飲... 酒... 飲... 茶... 飲... 湯... 飲... 粥... 飲... 水...

藥... 性... 寒... 涼... 宜... 飲... 酒... 飲... 茶... 飲... 湯... 飲... 粥... 飲... 水...



噎膈反胃總論

噎膈反胃之症多由內傷鬱結而成或縱情於勞欲或恣意於酒食以致陽氣內結陰血內枯遂成是疾內經云三陽結謂之膈蓋三陽結則前後之氣不行下既不行火必上逆火上逆則津液化成寒痰而往來之氣復以痰涎而愈阻此嘔逆噎膈之所由起也若不戒肥厚之食妄投辛熱之劑則邪火愈熾而氣血愈枯百死一生可不慎哉治法須分上中下三焦彼寒痰壅塞飲食難入其槁在吸門謂之膈若夫陽結氣逆而虛火難出其槁在賁門謂之噎此二者病在上焦至於氣虛寒痰不復出其槁在幽門謂之反胃此中焦病也倘陽氣內結暮食朝吐其槁在闌門亦謂之翻胃

此下焦病也凡患此者在少年氣壯時猶或可治若精力衰微脾胃虛弱最不易療故治噎膈者從無成法也張雞峰云噎膈是神思間病當靜觀內養以安其心心安而五火退聽矣所謂心病還須心藥也

治胃強脾弱方

蒼朮

二觔去蘆去皮米泔洗炒黃磨去頭尾一觔

白蒺藜

十兩去刺用微火炒

黃川連

三兩酒炒

山查肉

五兩蒸三次晒乾

共研末煉蜜為丸如桐

子大每日飯後已申時服七八十九白水送下漸加至百餘

丸自愈此方兼治男婦胸膈脹滿不思飲食口苦舌爛嘔逆

痰壅氣促頭眩等症惟血枯者宜酌用之恐蒼朮燥血也

治噎症方

鷲血不拘多少飲數次自愈此方傳自楚僧歷試歷

驗毋以平淡忽之

又方

蘆根

五兩切碎以地
下不出土者良

水煎空心服即愈

又方

牛口涎服二匙自愈并可除根

治胃脘不清將成噎膈方

白蒺藜

一兩

雲苓

廣皮

白朮

土陳

炒製半夏各三兩

川連

一兩酒洗

沈香

五錢

厚樸

一兩五錢
姜汁炒

白豆

仁四兩

白芍

一兩人參

一兩

共研細末

水為丸

如桐子大

每服百餘丸白水送下

治噎膈翻胃方

糯米研細末以牛涎和為小丸煮熟頻食漸愈

取牛涎以淨水洗牛口用鹽塗之再以鮮荷葉包牛口少頃

即下

治噎膈方 羊眼豆捶碎取汁服少許即愈

治噎膈反胃臞脹方 沈香 蘇子 陳皮各二錢官桂一錢

香三分蘿蔔子三錢 共為末每用三分配狗寶一分以棗

水煎通草湯空心調服即愈

治年老噎膈翻胃方 狗寶三錢真西牛黃三分人參二錢海西

沈香二錢 共研末不拘時以少許噙置舌上徐徐嚥下日

服四五分自愈

治膈食方 馬子城四兩煨透研末以蜜水調服即愈

治膈氣方 沈香一錢用泉水煎湯徐服極效

治膈食膈氣方 將閉口風根洗淨醋煎漸飲數茶匙則膈通而



思食矣

治胸膈飽脹腹中飢痛方

胡椒七粒研末用好酒沖服立愈

治胸膈飽脹肢體浮腫方

蒼朮五兩米泔浸炒陳皮五錢厚樸五錢

椒少許

共研細末先用豬豬肚一箇去脂以大蒜裝滿線

縫口用冷熱水各七碗燒滾入肚煮水乾為度取出搗爛無

絲再合前藥末為丸每日空心服二錢水送下甚效

治猝然食膈不下方

橘紅一兩焙乾研末水一盞煎半盞熱服

自下

治翻胃吐食方

樹上黃香櫟糞內浸七日童便內浸七日風乾

煎服即愈

又方 仙人杖竹即退煎汁服之極效

又方 乾柿餅三枚連蒂搗爛用酒沖服甚效

又方 水澄螺螄泥曬乾為末酒沖服一錢自愈

又方 甘蔗汁一升薑汁二合溫熱作五次服自愈

又方 韭汁二兩薑汁五錢牛乳一盞竹瀝半盞童便一盞
和

勻頻服即愈

又方 大鯽魚自死者活者不效剖開去腸留鱗用大蒜去皮切

薄片填魚腹內仍合用濕紙包定以麻縛緊再用黃泥包固

微曬在火上徐徐煨熟取出去鱗骨用平胃散配合成丸如

梧子大稍乾收罐內勿令洩氣每日空心服三十九米湯送



下奇效異常

治胃氣疼痛除熱消痰方 橘皮微炒水煎如茶頻飲自愈

治反胃吐食方 真陳皮 用西壁土炒 生薑三片紅棗一枚水煎

服立愈

治胃氣方 五靈脂蒲黃各一錢五分研末黃酒沖服此方治一

切胃氣疼痛神效無傳

秘傳心胃疼痛方 銀硃五錢人言五分黃蠟一兩 右藥先將

黃蠟入銅勺內化開後入銀硃人言攪勻為丸如菜豆大每

服七粒熱酒送下隨量飲之永不再發奇效如神但配合必

須五月午日午時黃道吉日方可



治脾胃傷食方 陳火肉骨煨存性沙糖調服即愈

治病後胃弱方 蓮子肉四兩炒米四兩茯苓二兩砂糖二兩

共為末每服五六茶匙不拘時白水送下極效

治胃脘嘈雜口吐清水方 上好廣皮去白研末五更時靜坐床

頭取藥末五分置手心按男左女右乾舐下勿卧服三四次

即效

治胃脘停食酸蜇心痛或口吐清水方 神曲三兩廣陳皮一兩

蒼朮一兩五錢米泔浸炒 共研末用生薑汁煮神曲為丸每服七十

丸薑湯送下

治飲食不時腹仍饑餓方 萊豆糯米黃麥各一升炒熟共磨成



粉每服一酒杯以滾湯送下服三五日即愈

安胃散 專治嘔逆胃氣欲絕之症 老生薑一塊重一兩許煨

熟去皮搗爛用水一碗陳米二撮同入瓦鍋內煮清湯用

酒杯盛服其嘔自止如無陳米即食米亦可

煨薑散 治嘔吐不已惡心氣滯等症 生薑一大塊直切薄片

勿令切斷層層摻鹽於內以水濕苧麻線密縛外用濕紙包

好火煨熟取出去包皮將薑搗爛和稀米湯服之甚效

香連丸 此方能和脾胃除濕熱止泄痢解宿酒兼治吞酸吐酸

腹痛腹脹男子淋濁婦人帶下等症 木香 三兩 黃連 一兩

半兩 醋炒 茯苓 三兩 白芍 二兩 廣皮 二兩 茱萸 一兩 厚樸 一兩



三兩姜
汁炒

共研細末醋和為丸如菜豆大每服八十九空

白水送下極效

穢跡金剛佛治胃氣疼方

香附

四兩用醋
焙七次研

良姜

二兩用醋
焙七次

藥研細末用鹽一捻薑三片水沖服三錢立愈如因寒用薑

二錢因氣用附子一錢薑一錢寒氣兼有用各一錢五分屢

試屢驗神效異常

